

Na osnovu člana 47. Zakona o predškolskom odgoju i obrazovanju u Kantonu Sarajevo („Službene novine Kantona Sarajevo“ broj: 26/2008, 21/2009, 33/2021 i 31/2022), člana 9. Pravilnika o vrstama vlastitih javnih prihoda u Federaciji Bosne i Hercegovine („Službene novine FBiH“, broj 104/22), a u skladu sa Smjernicama Ministarstva za odgoj i obrazovanje Kantona Sarajevo u vezi donošenja akta o vlastitim javnim приходima, broj: 11-07/01-11-1134-1/23 od dana 25.04.2023. godine i izmjenama Smjernica Ministarstva za odgoj i obrazovanje Kantona Sarajevo u vezi donošenja akta o vlastitim javnim приходima, broj: 11-07/01-11-11134-2/23 od dana 11.05.2023. godine, Upravni odbor na 47. sjednici, održanoj 12.10.2023. godine, donosi

## **P R A V I L N I K**

### **o vlastitim javnim приходima Javne ustanove „Djeca Sarajeva” Sarajevo**

#### **I- OSNOVNE ODREDBE**

##### **Član 1. (Predmet)**

Ovim Pravilnikom utvrđuju se vlastiti prihodi Javne ustanove „Djeca Sarajeva” (u daljem tekstu: Ustanova), vrste, pravni osnov ostvarivanja, te namjenu i način trošenja vlastitih javnih prihoda, prikupljanje, evidentiranje i raspolaganje vlastitim приходima, kontrola utroška.

##### **Član 2. (Vlastiti prihodi)**

Vlastiti prihodi Ustanove su javni prihodi Budžeta Kantona Sarajevo (u daljem tekstu: Budžet), a raspoređuju se u skladu sa ovim pravilnikom.

##### **Član 3. (Pojam vlastitih prihoda)**

(1) Pod vlastitim приходima u smislu ovog pravilnika podrazumjevaju se prihodi koje Ustanova ostvari obavljanjem osnovne djelatnosti i ostalih poslova na tržištu.

##### **Član 4. (Pravni osnov ostvarivanja vlastitih javnih prihoda)**

Pravni osnov za ostvarivanje vlastitih javnih prihoda je:

a) Zakon o predškolskom odgoju i obrazovanju u Kantonu Sarajevo;

##### **Član 5. (Način uplate vlastitih javnih prihoda)**

- (1) Prihodi iz člana 3. ovog Pravilnika uplaćuju se na depozitni račun Budžeta Kantona Sarajevo (u daljem tekstu: depozitni račun).
- (2) Uplata i evidentiranje vlastitih prihoda vrši se u skladu sa 8. Pravilnikom o vrstama vlastitih javnih prihoda u Federaciji Bosne i Hercegovine („Službene novine Federacije BiH”, broj 104/22) i Uputstvom o izvršavanju budžeta sa Jedinstvenog računa Trezora.

## **II- VRSTE VLASTITIH PRIHODA**

### **Član 6. (Vrste vlastitih prihoda)**

Ustanova može ostvarivati vlastite prihode od:

- a) Realizacije specijaliziranih programa u vrtićima
- b) Iznajmljivanja prostora i/ili opreme;
- c) Prodaje otpadnog materijala;
- d) Reklamno-propagandnih usluga;
- e) Realizacije pedagoško-metodičke prakse studenata (hospitovanje);
- f) Ustupanja tenderske dokumentacije u postupku javnih nabavki;
- g) Kopiranja i uvezivanja pisanog materijala;
- h) Usluge cjelodnevnog ili poludnevnog boravka.

### **Član 7. (Naknada za realizaciju usluga)**

Visina naknade po osnovama iz člana 6. ovog Pravilnika utvrđuju se kako slijedi:

- a) Za realizaciju kraćih specijaliziranih programa u vrtićima, u skladu sa Sporazumima o poslovnoj saradnji sa pravim ili fizičkim licima angažiranim na sprovođenju specijaliziranih programa u vrtićima, čiju visinu naknade utvrđuje Upravni odbor Ustanove, uz prethodnu saglasnost Ministarstva za odgoj i obrazovanje Kantona Sarajevo;
- b) Za izdavanje opreme i prostora u zakup, u skladu sa sklopljenim Ugovorima o zakupu, a čiju visinu naknade za zakupninu utvrđuje Upravni odbor Ustanove, u skladu sa zakonom i podzakonskim aktima kojima se reguliše izdavanje poslovnih zgrada i prostorija.;
- c) Za realizaciju pedagoško - metodičke prakse studenata, utvrđuje Upravni odbor Ustanove;
- d) Za reklamno - propagandne usluge u skladu sa sklopljenim Sporazumima/ Ugovorima o poslovnoj saradnji, čiju visinu naknade utvrđuje Upravni odbor Ustanove;
- e) Za vlastite prihode iz člana 6. stava (1) tačke c), f) i g), visinu naknade utvrđuje Upravni odbor Ustanove.
- f) Za usluge cjelodnevnog ili poludnevnog boravka visinu naknade utvrđuje Vlada Kantona Sarajevo.

## **III NAČIN I ROKOVI RASPODJELE**

### **Član 8. (Raspodjela i rokovi raspodjele vlastitih prihoda)**

- (1) Ustanova je dužna, na osnovu planiranih vlastitih prihoda, planirati i rashode koje će pokriti iz tih prihoda.

- (2) Vlastite prihode iz člana 5. ovog pravilnika Ustanova će koristiti za pokriće izdataka nastalih obavljanjem tih poslova, a ostatak za tekuće i kapitalne izdatke
- (3) Vlastiti prihodi mogu se koristiti samo u toku fiskalne godine, a neutrošeni dio vlastitih prihoda postaje javni prihod Budžeta.

#### **Član 9.**

##### **(Način raspodjele vlastitih javnih prihoda)**

- (1) Ostvareni vlastiti javni prihodi, u cjelosti se raspoređuju Ustanovi.
- (2) Prihodi koje Ustanova ostvari po osnovu realizacije specijaliziranih programa u vrtićima raspoređuje se za pokriće troškova realizacije specijaliziranih programa, a u skladu sa odlukom Upravnog odbora ustanove.
- (3) Prihodi koje Ustanova ostvari po osnovu reklamno-propagandnih usluga, izdavanja opreme i prostora u zakup, ustupanja tenderske dokumentacije, kopiranja i uvezivanja pisanog materijala raspoređuju se na sljedeći način:
  - 70% za materijalne troškove, tekuće održavanje i nabavku opreme i
  - 30% za stručno usavršavanje, sportske i kulturne aktivnosti, takmičenja, nagrade učenicima, ekskurzije i ostale namjene.
- (4) Prihodi koje Ustanova ostvari po osnovu prodaje otpadnog materijala, raspoređuju se na sljedeći način:
  - 20 % za materijalne troškove, tekuće održavanje i nabavku opreme i
  - 80% za stručno usavršavanje sportske i kulturne aktivnosti, takmičenja, nagrade učenicima, ekskurzije i ostale namjene.
- (5) Procenti se odnose na ukupna sredstva ostvarena po svakom osnovu, a u okviru ovih sredstava raspodjela se odnosi na naknade u neto iznosu i pripadajuće poreze i doprinose (bruto iznos).
- (6) Prihodi koje Ustanova ostvari od usluga cjelodnevnog i poludnevnog boravka raspoređuju se na izdatke za materijal i usluge, za nabavku stalnih sredstava i dijelom za plaće i naknade zaposlenih.

#### **IV EVIDENTIRANJE VLASTITIH PRIHODA**

#### **Član 10.**

##### **(Evidencije vlastitih prihoda)**

- (1) Ustanova je dužna sve transakcije po osnovu vlastitih prihoda evidentirati u pomoćnim knjigama i Glavnoj knjizi Trezora.
- (2) Podaci u evidencijama u pomoćnim knjigama Ustanove moraju biti usklađeni sa podacima u Glavnoj knjizi Trezora.

#### **Član 11.**

##### **(Način evidentiranja i uplate vlastitih prihoda u gotovini)**

Ukoliko Ustanova naplatu vlastitih prihoda vrši u gotovini, dužna je istu evidentirati kroz blagajnički dnevnik i uplatiti na Jedinствен račun trezora najkasnije naredni dan od dana naplate istih.

## **V RASPOLAGANJE VLASTITIM PRIHODIMA**

### **Član 12.**

#### **(Raspologanje vlastitim prihodima)**

Ustanova može raspolagati vlastitim prihodima po izvršenoj uplati na depozitni račun, uz podnošenje pismenog zahtjeva Ministarstvu finansija, za odobravanje raspoloživih sredstava u mjesečnom operativnom budžetu (obrazac Z2).

### **Član 13.**

#### **(Korištenje vlastitih prihoda)**

Ustanova će koristiti vlastite prihode u skladu sa odobrenim budžetom za fiskalnu godinu.

## **VI KONTROLA UTROŠKA VLASTITIH PRIHODA**

### **Član 14.**

#### **(Praćenje naplate i raspoređivanje vlastitih prihoda)**

- (1) Ustanova je dužna da redovno prati, putem izvještaja koje dobiva od Ministarstva finansija, dospjelost i naplatu vlastitih prihoda, kao i ostvarene rashode i izdatke po osnovu vlastitih prihoda do visine operativnog budžeta.
- (2) Ustanova je odgovorna za potpuno i pravovremeno uplaćivanje vlastitih prihoda na depozitni račun.
- (3) Ustanova je dužna da ostvarene i naplaćene vlastite prihode rasporedi na rashode u finansijskim mjesečnim planovima izvršavanja Budžeta.
- (4) Vlastiti javni prihodi moraju se utrošiti do kraja budžetske godine, a neutrošeni dio vlastitih prihoda postaje javni prihod Budžeta naredne godine.

## **VII ZAVRŠNE ODREDBE**

### **Član 15.**

#### **(Izvještaj o utrošku)**

Ustanova je u obavezi najmanje jedanput u šest mjeseci Ministarstvu za odgoj i obrazovanje Kantona Sarajevo dostaviti izvještaj o sticanju i utrošku vlastitih prihoda.

### **Član 16.**

#### **(Saglasnost ministarstva)**

Na ovaj Pravilnik Ustanova je u obavezi imati saglasnost Vlade Kantona Sarajevo.

### **Član 17.**

#### **(Izmjene i dopune)**

Izmjene i dopune ovog pravilnika vrše se na način i po postupku njegova donošenja.

## Član 18.

### (Prestanak važenja dosadašnjeg Pravilnika)

Supanjem na snagu ovog Pravilnika prestaje da važi Pravilnik o korištenju vlastitih prihoda JU „Djeca Sarajeva“, broj:01-01-14/17 od 22.05.2017. godine.

## Član 19.

### (Stupanje na snagu)

Ovaj Pravilnik stupa na snagu danom donošenja a primjenjivat će se od dana dobijanja saglasnosti Vlade Kantona Sarajevo i biće objavljen na Oglasnoj ploči Ustanove i službenoj web stranici Ustanove.

Broj:06-02-6/23

Datum: 12.10.2023. godine





Bosnia and Herzegovina  
Federation of Bosnia and Herzegovina  
**CANTON SARAJEVO**  
Government

122  
68-  
PB-

43316  
KANTON SARAJEVO  
JAVNA USTANOVA „DJECA SARAJEVA“  
SARAJEVO  
Broj: 02-03-1122  
Datum, 30. 01. 2024. god

Broj: 02-04-1334-8.8/24  
Sarajevo, 18.01.2024. godine

Na osnovu člana 26. i 28. stav (2) Zakona o Vladi Kantona Sarajevo (“Službene novine Kantona Sarajevo”, broj: 36/14 - Novi prečišćeni tekst i 37/14 - Ispravka), a u skladu sa članom 9. stav (2) Pravilnika o vrstama vlastitih javnih prihoda u Federaciji Bosne i Hercegovine (“Službene novine Federacije BiH”, broj: 104/22) Vlada Kantona Sarajevo, na **Osmoj** sjednici održanoj **18.01.2024.** godine, donijela je

## O D L U K U

### O DAVANJU SAGLASNOSTI NA PRAVILNIK O VLASTITIM JAVNIM PRIHODIMA JAVNE USTANOVE „DJECA SARAJEVA“ SARAJEVO

#### I

Daje se saglasnost na Pravilnik o vlastitim javnim приходима Javne ustanove „Djeca Sarajevo“ Sarajevo, broj: 06-02-6/23 od 12.10.2023. godine.

#### II

Ova odluka stupa na snagu danom donošenja, a objavit će se u “Službenim novinama Kantona Sarajevo”.



Dostaviti:

1. Predsjedavajući Skupštine Kantona Sarajevo,
2. Zamjenici predsjedavajućeg Skupštine Kantona Sarajevo (3x),
3. Premijer Kantona Sarajevo,
4. Ministarstvo za odgoj i obrazovanje Kantona Sarajevo,
5. Ministarstvo finansija Kantona Sarajevo,
6. Javna ustanova „Djeca Sarajevo“ Sarajevo (putem Ministarstva za odgoj i obrazovanje Kantona Sarajevo),
7. Za objavu u “Službenim novinama Kantona Sarajevo”,
8. Evidencija,
9. Arhiva.